

x

К. К. 6. 1(1-13)
2.



LEABHAR AITHGHEARR NAN CEIST.

LEABHAR AITHIGHEARR NAN CEIST.

1 CEIST. Ciod is crìoch àraidh do'n duine ?

FREAGRADH. 'S i is crìoch àraidh do'n duine, Dia a ghlòrachadh, agus a mhealtuinn gu sìorruidh.

2 C. Ciod an riaghailt a thug Dia dhuinn gu ar seòladh chum esan a ghlòrachadh agus a mhealtuinn ?

F. 'S e focal Dé, a ta air a chur sìos ann an sgrìobtuiribh an t-scann Tiomnaidh agus an Tiomnaidh Nuaidh, an aon riaghailt gu ar seòladh chum esan a ghlòrachadh agus a mhealtuinn.

3 C. Ciod a tha na sgrìobtuirean gu h-àraidh a' teagasg ?

F. Tha na sgrìobtuirean gu h-àraidh a' teagasg gach ni is còir do'n duine chreidsinn mu thimchioll Dhé, agus an dleasdanas a tha Dia ag iarraidh air an duine.

4 C. Ciod e Dia ?

F. Tha Dia 'n a Spiorad, neo-chrìochnach, bithbhuan, agus neo-chaochluidheach 'n a bhith, 'n a ghliocas, 'n a chumhachd, 'n a naomhachd, 'n a cheartas, 'n a mhaitheas, agus 'n a fhìrinn.

5 C. Am bheil tuilleadh Dé ann ach aon ?

F. Cha n'eil ann ach aon a mhàin, an Dia beò agus fìor.

6 C. Cia lìon pearsa a ta san Diadhachd ?

F. Tha trì pearsa san Diadhachd, an t-Athair, am Mac, agus an Spiorad Naomh; agus an trìuir so is aon Dia iad, ionann ann an nàdur, coimeas ann an cumhachd agus ann an glòir.

7 C. Ciod iad orduighean Dhé ?

F. 'S iad orduighean Dhé, a rùn sìorruidh a réir comhairle a thoile, leis an d'òrduich e roimh làimh, chum a ghlòire féin, gach ni a thig gu crìch.

⁸ C. Cia mar a tha Dia a' cur 'òrduighean 'an gnìomh ?

F. Tha Dia a' cur 'òrduighean 'an gnìomh ann an oibribh a chruthachaidh agus an fhreasdail.

⁹ C. Ciod i obair a chruthachaidh ?

F. 'S i obair a chruthachaidh, gun d'rinn Dia na h-uile ni do neo-ni, le focal a chumhachd, ann an sè làithibh, agus iad uile ro-mhaith.

¹⁰ C. Cia mar a chruthaich Dia an duine ?

F. Chruthaich Dia an duine, fear agus bean, a réir òmhaigh féin, ann an eòlas, fireantachd, agus naomhachd, le uachdaranachd os ceann nan creutairean.

¹¹ C. Ciod iad oibre freasdail Dhé ?

F. 'S iad oibre freasdail Dhé, e 'bhi coimhead agus a' riaghladh nan uile chreutairean, le'n uil e ghnìomharaibh, gu ro-naomh, gu ro-ghlic, agus gu ro-chumhachdach.

¹² C. Ciod an gnìomh àraidh freasdail a rinn Dia a thaobh an duine, san staid anns an do chruthaicheadh e ?

F. 'N uair a chruthaich Dia an duine, rinn e coimheangal beatha ris, ag iarraidh ùmhlachd iomlan air mar chumha ; agus a' toirmeasg dha itheadh do chraoibh eòlais a mhaith agus an uil fuidh phéin a bhàis.

¹³ C. An d'fhan ar ceud sinnseara 's an staid anns an do chruthaicheadh iad ?

F. Air d'ar ceud sinnsearaibh bhi air am fàgail gu saorsa an toil féin, thuit iad o'n staid anns an do chruthaicheadh iad, le peacachadh an aghaidh Dhé.

¹⁴ C. Ciod e peacadh ?

F. 'S e peacadh easbhuidh cumaidh ris an lagh, no briseadh air lagh Dhé.

15 C. Ciod e am peacadh leis an do thuit ar ceud sinnseara o'n staid anns an do chruthaicheadh iad ?

F. B'e am peacadh leis an do thuit ar ceud sinnseara o'n staid anns an do chruthaicheadh iad, gu'n d'ith iad am meas toirmisgte.

16 C. An do thuit an cinne-daoine uile ann an ceud pheacadh Adhaimh ?

F. Air do'n choimhcheangal bli air a dheanamh ri Adhamh, cha b'ann a mhàin air a shon féin, ach air son a shliochd; uime sin, an cinne-daoine uile, a thàinig uaith, tre ghinealachaidh gnàthaichte, pheacaich iad ann, agus thuit iad maille ris, 'n a cheud chionta.

17 C. Ciod an staid gus an d'thug an leagadh an cinne-daoine ?

F. Thug an leagadh an cinne-daoine gu staid peacaidh agus truaighe.

18 C. Ciod e peacadh na staid sin gus an do thuit an duine ?

F. 'S e peacadh na staid sin gus an do thuit an duine, e bhi fuidh chionta ceud pheacaidh Adhaimh; fuidh easbhuidh na ceud fhìreantachd, agus fuidh thruaillidheachd a nàduir gu h-iomlan, d'an goirear gu coitchionn am peacadh gin, maille ris gach peacadh gnìomh a ta sruthadh uaithe sin.

19 C. Ciod i truaigh na staid sin gus an do thuit an duine ?

F. Tre an leagadh chaill an cinne-daoine gu léir an co-chomunn ri Dia; tha iad fuidh fheirg agus mhallachd Dhé; agus mar sin air an deanamh buailteach do uile thruaighibh na beatha so, do'n bhàs féin, agus do phiantaibh ifrinn gu sìorruidh.

20 C. An d'fhàg Dia an cinne-daoine uile gu bhi

caillte ann an staid peacaidh agus truaighe ?

F. Air taghadh do Dhia d'a ghean maith féin, roimh thoiseach an t-saoghail, cuid do'n chinne-dhaoine chum na beatha maireannaich, rinn e coimhcheangal gràis, chum an saoradh o staid peacaidh agus truaighe, agus an toirt gu staid slàinte, tre Fhear-saoraidh.

²¹ C. Co is Fear-saoraidh do phobull taghta Dhé ?

F. 'S e 's aon Fhear-saoraidh do phobull taghta Dhé, an Tighearn Iosa Crìosd, neach air dha bhi 'n a Mhac sìorruidh do Dhia, a rinneadh 'n a dhuine, agus mar sin bha agus a mhaireas 'n a Dhia agus 'n a dhuine, ann an dà nàdur eadardhealaichte, ach 'n a aon phearsa gu sìorruidh.

²² C. Air do Chrìosd bhi 'n a Mhac do Dhia, cia mar a rinneadh e 'n a dhuine ?

F. Rinneadh Crìosd, Mac Dhé, 'n a dhuine, le corp fìor agus anam reusanta a ghabhail da féin, air dha bhi, le cumhachd an Spioraid Naoimh, air a ghineadh 'am broinn na h-Oighe Muire, agus air a bhreith leatha, gidheadh as eugmhais peacaidh.

²³ C. Cìod iad na h-oifigean a tha Crìosd a' cur an gnìomh mar ar Fear-saoraidh ?

F. Tha Crìosd mar ar Fear-saoraidh a' cur an gnìomh oifigean Fàidh, Sagairt, agus Rìgh, araon ann an staid 'irioslachaidh agus 'àrdachaidh.

²⁴ C. Cia mar a tha Crìosd a' cur oifig Fàidh an gnìomh ?

F. Tha Crìosd a' cur oifig Fàidh an gnìomh, ann a bhi foillseachadh dhuinne, le 'fhocal agus le a spiorad, toil Dhé chum ar slàinte.

²⁵ C. Cia mar a tha Crìosd a' cur oifig Sagairt an gnìomh ?

F. Tha Crìosd a' cur oifig Sagairt an gnìomh le e féin a thoirt suas aon uair 'n a ìobairt, a dhìoladh ceartais Dhé, agus gu ar deanamh-ne réidh ri Dia,

agus le gnàth-eadarghuidhe 'dheanamh air ar son.
 26 C. Cia mar a tha Criosd a' cur oifig Rìgh an gnìomh ?

F. Tha Criosd a' cur oifig Rìgh an gnìomh le sinne a cheannsachadh dha féin, le ar riaghladh agus ar dìonadh, agus le cosgadh a chur, agus buaidh a thoirt, air na h-uile is naimhdean dhasan agus dhuinne.

27 C. Cia mar a bha Criosd air 'irioslachadh ?

F. Bha Criosd air 'irioslachadh, le bhì air a bhreith, agus sin ann an staid ìosal; air a dheanamh fuidh'n lagh; dol fuidh thruaighibh na beatha so, fuidh fheirg Dhé, agus fuidh bhàs malluichte a chroinn-cheusaidh; le bhì air 'adhlacadh, agus fantuinn fuidh chumhachd a bhàis rè seal.

28 C. Cia mar a tha Criosd air 'àrdachadh ?

F. Tha Criosd air 'àrdachadh, 'n a aiseirigh o na marbhaibh air an treas là; 'n a dhol suas gu nèamh, 'n a shuidhe air deas-làimh Dhé an t-Athar; agus 'n a theachd a thoirt breith air an t-saoghal air an là dheireannach.

29 C. Cia mar a tha sinn air ar deanamh 'n ar luchd-compairt do'n t-saorsa a choisinn Criosd ?

F. Tha sinn air ar deanamh 'nar luchd-compairt do'n t-saorsa a choisinn Criosd, le i bhì air a cur ruinne gu h-èifeachdach le a Spiorad Naomh-san.

30 Cia mar a tha'n Spiorad a' cur ruinne na saorsa a choisinn Criosd ?

F. Tha 'n Spiorad a' cur ruinne na saorsa a choisinn Criosd, le creidimh oibreachadh annainn, agus le sin ar dlùth-cheangal ri Criosd ann ar gairm èifeachdach.

31 C. Ciod i a' ghairm èifeachdach ?

F. 'S i a ghairm èifeachdach, o bair Spioraid Dhé, leis am bheil e dearbhadh oirne ar peacanna agus ar truaighe; a' soillseachadh ar n-inntinne le eòlas air

Criosd; ag ath-nuadhachadh ar toile; agus an lorg sin 'g ar deanamh deònach agus comasach air Iosa Criosd a dhlùth-ghabhail thugainn, mar a ta e air a thairgseadh dhuinn gu saor anns an t-soisgeul.

³² C. Ciod iad na sochairean a tha an dream a ta air an gairm gu h-èifeachdach a' faghail anns a bheatha so ?

F. Tha an dream a ta air an gairm gu h-èifeachdach a' faghail anns a bheatha so, fireanachadh, uchd-mhacachd; agns naomhachadh; maille ris gach sochair eile, a ta anns a bheatha so 'n an cuideachd-san, no' sruthadh uatha.

³³ C. Ciod e fireanachadh ?

F. Is e fireanachadh gnìomh saor ghràis Dhé, anns am bheil e 'maitheadh dhuinn ar n-uile pheacanna, agus a' gabhail ruinn mar fhìreanaibh 'n a fhianuis; agus sin a mhàin air sgàth fireantachd Chrìosd air a meas dhuinn agus air a gabhail thugainn le creidimh a mhàin.

³⁴ C. Ciod e uchd-mhacachd ?

F. Is e uchd-mhacachd, gnìomh saor ghràis Dhé, leis am bheil sinn air ar gabhail a steach 'an àircamh cloinne Dhé; agus 'faghail còir air gach sochair a bhuineas doibh.

³⁵ C. Ciod e naomhachadh ?

F. Is e naomhachadh, obair saor ghràis Dhé, leis am bheil sinn air ar n-athnuadhachadh 's an duine gu h-iomlan, a rèir ìomhaigh Dhé, agus air ar deanamh comasach ni's mò agus ni's mò a bhi bàsachadh do'n pheacadh, agus 'teachd beò do fhìreantachd.

³⁶ C. Ciod iad na sochairean a ta 's a bheatha so 'an cuideachd no 'sruthadh o fhìreanachadh, uchdmhacachd, agus naomhachadh ?

F. 'Siad no sochairean a ta 's a bheatha so 'an cuideachd no 'sruthadh o fhìreanachadh, uchdmhac-

achd, agus naomhachadh, dearbh-bheachd air gràdh Dhé, sìth coguis, aoibhneas anns an Spiorad Naomh, fàs ann an gràs, agus buanachadh ann gus a chrìch.

37 C. Ciod iad na sochairean a tha creidmhich a' faghail o Criosd aig a bhàs ?

F. Aig a bhàs tha anama nan creidmheach air an deanamh foirfe ann an naomhachd, agus air ball a' dol chum glòire ; agus a ta 'n cuirp, air dhoibh bhi sìor-cheangailte ri Criosd, a' gabhail fois 'n an uaighibh gus an aiseirigh.

38 C. Ciod iad na sochairean a tha creidmhich a' faghail o Chriosd aig an aiseirigh ?

F. Aig an aiseirigh, air bhi do na creidmhich air an togail suas ann an glòir, bithidh iad air an aideachadh gu follaiseach, agus air an lànshaoradh aig la a bhreitheanais, agus air an deanamh uile-bheannaichte ann an Dia a làn-mhealtuinn gu sìorruidh.

39 C. Ciod e an dleasdanas a tha Dia ag iarraidh air an duine ?

F. 'S e 'n dleasdanas a tha Dia ag iarraidh air an duine, umhlachd d'a thoil a ta air a foillseachadh.

40 C. Ciod an riaghailt umhlachd a thug Dia do'n duine air tùs ?

F. 'S e 'n riaghailt umhlachd a thug Dia do'n duine air tùs, lagh nam modhanna.

40 C. C'ait am bheil lagh nam modhanna gu h-aithghearr air a chur sìos ?

F. Tha lagh nam modhanna gu h-aithghearr air a chur sìos, anns na deich àitheantaibh.

42 C. Ciod e is suim do na deich àitheantaibh ?

F. 'S e is suim do na deich àitheantaibh, " An Tighearn ar Dia a ghràdhachadh le'r n-uile chridhe, le'r n-uile anam, le'r n-uile neart, le'r n-uile inntinn ; agusar coimhearsnach a ghràdhachadh mar sinn féin."

43 C. Ciod e roimh-ràdh nan deich àitheantan ?

F. Tha roimh-ràdh nan deich àitheantan air a chur sìos anns na briathraibh so, “Is mise an Tighearna do Dhia, a thug a mach thu a tìr na h-Eiphit, a tigh na daorsa.”

44 C. Cìod e’ tha roimh-ràdh nan deich àitheantan a’ teagasg dhuinn ?

F. Tha roimh-ràdh nan deich àitheantan a’ teagasg dhuinn, a chionn gur e Dia is Tighearn ann, agus gur e ar Dia-ne agus ar Fearsaoruidh e, uime sin gu bheil e mar fhiachaibh oirne, uile ’aitheantan a choimhead.

45 C. Cìod i a cheud àithne ?

F. ’S i a cheud àithne, “Na biodh Dé e sam bith eile agad a’m’ fhianuis-se.”

46 C. Cìod e’ tha a cheud àithne ag iarraidh ?

F. Tha a cheud àithne ag iarraidh oirne, Dia ’aithneachadh agus ’aideachadh mar an t-aon Dia fìor, agus ar Dia-ne ; agus aoradh is glòir a thoirt da a réir sin.

47 C. Cìod a tha a cheud àithne a’ toirmeasg ?

F. Tha a’ cheud àithne a’ toirmeasg an Dia fìor àicheadh, no an t-aoradh agus a ghlòir a bhuineas a mhàin dhàsan mar Dhia agus mar ar Dia-ne, a chumail uaithe, no a thoirt do neach air bith eile.

48 C. Cìod e’ tha na briathran so’s a cheud àithne “a’m’ fhianuis,” gu h-àraidh a’ teagasg dhuinn ?

F. Tha na briathran so’s a cheud àithne [“a’m’ fhianuis,”] a’ teagasg dhuinn, gu bheil Dia d’an léir na h-uile nithe, a’ toirt aire do’n pheacadh so, eadhon dia sam bith eile bhi againn, agus gu bheil e ro-dhiombach air a shon.

49 C. Cìod i an dara àithne ?

F. ’S i an dara àithne, “Na dean dhuit féin dealbh snaidhte, no coslas sam bith a dh’aon ni a ta’s na nèamhaibh shuas, no air an talamh shìos, no’s na

h-uisgeachaibh a ta fuidh 'n talamh. Na crom thu féin sìos doibh, agus na dean seirbhis doibh ; oir mise an Tighearna do Dhia, is Dia eudmhor mi, a' leantuinn aingidheachd nan aithriche air a chloinn, air an treas agus a cheathramh ginealach dhiubhsan a dh' fhuathaicheas mi, agus a' nochdadh tròcair do mhiltibh dhiubhsan a ghràdhaicheas mi agus a choimhideas m' àitheantan."

⁵⁰ C. Ciod e' tha 'n dara àithne ag iarraidh ?

F. Tha'n dara àithne ag iarraidh oirnne, gach uile ghné aoraidh agus orduigh dhiadhaidh, a dh' òrduich Dia 'n a fhocal, a ghabhail thugainn, a choimhead, agus a ghleidheadh gu glan iomlan.

⁵¹ C. Ciod e' tha 'n dara àithne a' toirmeasg ?

F. Tha'n dara àithne a' toirmeasg aoradh a thoirt do Dhia tre ìomhaighibh, no air mhodh sam bith eile nach 'eil òrduichte 'n a fhocal.

⁵² C. Ciod iad na reusana a tha ceangailte ris an dara àithne ?

F. 'S iad na reusana a tha ceangailte ris an dara àithne, àrd-uachdaranachd Dhé os ar ceann ; a sheilbh-chòir annainn ; agus 'eud air son aoraidh féin.

⁵³ C. Ciod i an treas àithne ?

F. 'S i an treas àithne, "Na tabhair ainm an Tighearna do Dhé an dìomhanas ; oir cha mheas an Tighearn neo-chiontach esan a bheir 'ainm an dìomhanas."

⁵⁴ C. Ciod e' tha 'n treas àithne ag iarraidh ?

F. Tha'n treas àithne ag iarraidh, gnàthachadh naomh agus urramach a dheanamh air ainmibh, buaidhibh, òrduighibh, briathraibh agus oibribh Dhé.

⁵⁵ C. Ciod e' tha 'n treas àithne a' toirmeasg ?

F. Tha'n treas àithne a' toirmeasg mi-naomh achadh no mi-ghnàthachadh a dheanamh do ni sam bith leis am bheil Dia 'g a fhoillseachadh féin.

56 C. Ciod e an reusan a tha ceangailte ris an treas àithne ?

F. 'S e 'n reusan a tha ceangailte ris an treas àithne, ged dh-fheudas luchd-brisidh na h-àithne so dol as gun dioghaltas o dhaoinibh, gidheadh nach fuiling an Tighearn ar Dia dhoibh dol as o' eheart bhreitheanas féin.

57 C. Ciod i an ceathramh àithne ?

F. 'S i an ceathramh àithne, " Cuimhnich là na Sàbaid a ehoimhead naomh. Sè làithean saoth-raichidh tu agus ni thu d'obair uile ; aeh air an t-seachdamh là tha Sàbaid an Tighearna do Dhé ; air an la sin na dean obair sam bith ; thu féin, no do mhac, no do nighean, d'òglaeh, no do bhanòglaeh, no d' ainmhidh, no do choigreach a ta 'n taobh a stigh do d' gheataibh ; oir ann an sé laithibh rinn an Tighearn na nèamha agus an talamh, an fhairge agus gach ni a ta annta ; agus ghabh e fois air an t-seachdamh la : air an aobhar sin bheannaich an Tighearn la na Sàbaid agus naomhaich se e."

58 C. Ciod a tha'n ceathramh àithne ag iarruidh ?

F. Tha'n ceathramh àithne ag iarruidh coimhead naomh a dheanamh do Dhia air na h-amannaibh suidhichte a dh'òrduich e 'na fhocal, gu h-àraidh aon là iomlan anns na seachd làithibh, gu bhì 'n a Shàbaid naomh dha féin.

59 C. Cia 'an la do na seachd làithibh a dh' ordnich Dia gu bhì 'n a Shàbaid anns gach seachduin ?

F. O thoiseach an t-saoghail a nuas gu aiseirigh Chrìosd, dh'òrduich Dia an seachdamh la gu bhì 'n a Shàbaid anns gach seachduin ; agus riamh o sin, a cheud la do'n t-seachduin, a dh'fhantuinn gu deireadh an t-saoghail ; 's i sin Sàbaid nan Crìosduidhean.

60 C. Cia mar is còir an t-Sàbaid a naomhaehadh ?

F. Is còir an t-Sàbaid a naomhaehadh, le fois

naomh a ghabhail re fad an là sin uile, eadhon o na gnothuichibh saoghalta, o'n aighear agus o'n t-sùgradh a tha ceaduichte air làithibh eile, agus an ùine sin uile a bhuileachadh ann an oibrìbh cràbhaibh, gu diomhair agus gu follaiseach ; saor o mheud is a ta feumail a chaitheamh ann an oibrìbh na h-éigin agus na tròcair.

⁶¹ C. Ciod e' tha'n ceathramh àithne a' toirmeasg ?

F. Tha'n ceathramh àithne a' toirmeasg dear-mad a dheanamh air na dleasdanasaidh 'dh' àithneadh dhuinn, no an coimhlionadh gu mi-chùramach ; an t-Sàbaid a mhi-naomhachadh le diomhanas, no le ni sam bith a dheanamh a tha cronail ann féin ; no le smuaintibh, briathraibh, no gnìomharaibh neofheumail mu thimchioll ar gnothuiche saoghalta, no le aighear agus sùgradh.

⁶² C. Ciod iad na reusana a tha ceangailte ris a cheathramh àithne ?

F. 'S iad na reusana' tha ceangailte ris a cheathramh àithne, gu bheil Dia a' ceadachadh dhuinn sè làithe do'n t-seachdain air son ar gnothuichean féin ; gu bheil e ag agradh còir àraidh dha féin air an t-seachdamh là ; gu'n d' thug e féin eiseimpleir seachad ; agus gun do bheannaich e la na Sàbaid.

⁶³ C. Ciod i an cùigeamh àithne ?

F. 'S i an cùigeamh àithne, " Tabhair urram do d'athair agus do d' mhàthair, a chum gu'm bi do làithean buan air an fhearann a tha 'n Tighearn do Dhia a' toirt dhuit."

⁶⁴ C. Ciod e' tha'n cùigeamh àithne ag iarraidh ?

F. Tha'n cùigeamh àithne ag iarraidh, an t-urram a choimhead agus an dleasdanas a choimhlionadh, a bhuineas do gach neach, an lorg gach inbhe agus dàimh fa leth sam bheil iad ; ma's ann an inbhe àrd, no iosal, no 'an coimeas inbhe,

65 C. Ciod e' tha'n cùigeamh àithne a' toirmeasg ?

F. Tha'n cùigeamh àithne a' toirmeasg, ni sam bith a dheanamh an aghaidh an urrainn, agus an dleasdanas a bhuineas do gach neach, an lorg na h-inbhe agus an dàimh fa leth sam bheil iad d'a chéile.

66 C. Ciod e an reusan a tha ccangailte ris a chùigeamh àithne ?

F. 'S e an reusan a tha ceangailte ris a chùigeamh àithne, gealladh air saoghal fada, agus sonas do uile luchd coimhid na h-àithne so, a réir mar bhitheas sin chum glòir Dhé agus am maith féin.

67 C. Ciod i an sèathamh àithne ?

F. 'S i an sèathamh àithne, "Na dean mortadh."

68 C. Ciod e' tha an sèathamh àithne ag iarraidh ?

F. Tha an sèathamh àithne ag iarraidh gach uile dhìchioll laghail a dheanamh, chum ar beatha féin, agus beatha dhaoine eile a choimhead.

69 C. Ciod e' tha an sèathamh àithne a' toirmeasg ?

F. Tha an sèathamh àithne a' toirmeasg, ar beatha féin no beatha ar coimhearsnaich a thoirt air falbh gu h-eucorach, no ni sam bith a chuidicheas gu sin a dheanamh.

70 C. Ciod i an seachdamh àithne ?

F. 'S i an seachdamh àithne ; "Na dean adhart-rannas."

71 C. Ciod e' tha an seachdamh àithne ag iarraidh ?

F. Tha an seachdamh àithne ag iarraidh, ar gloinne féin agus gloinne ar coimhearsnaich a choimhead ann an cridhe, ann an cainnt, agus ann am beusaibh.

72 C. Ciod e' tha an seachdamh àithne a' toirmeasg ?

F. Tha an seachdamh àithne a' toirmeasg, gach uile smuain, bhriathar agus ghnìomh neo-ghlan.

73 C. Ciod i an t-ochdamh àithne ?

F. 'S i an t-ochdamh àithne, "Na dean goide."

74 C. Ciod e' tha an t-ochdamh àithne ag iarraidh ?

F. Tha an t-ochdamh àithne ag iarraidh, ar saobhreas saoghalta féin agus saobhreas saoghalta dhaoin' eile a chur air aghaidh gu laghail.

75 C. Ciod e' tha an t-ochdamh àithne a' toirmeasg ?

F. Tha an t-ochdamh àithne a' toirmeasg, gach ni a bhacas ar saobhreas saoghalta féin, no saobhreas saoghalta ar coimhearsnaich, gu h-eucorach.

76 C. Ciod i an naothamh àithne ?

F. 'S i an naothamh àithne, "Na tabhair fianuis bhréige an aghaidh do choimhearsnaich."

77 C. Ciod e' tha an naothamh àithne ag iarraidh ?

F. Tha an naothamh àithne ag iarraidh, an fhirinn a choimhead cadar duine agus duine, agus ar deadh ainm féin agus deadh ainm ar coimhearsnaich a sheasamh agus a chur air aghaidh ; gu h-àraidh ann an tabbairt fianuis.

78 C. Ciod a tha an naothamh àithne a' toirmeasg ?

F. Tha an naothamh àithne a' toirmeasg, gach ni a tha cronail do'n fhirinn, no a ni eucoir air ar deadh ainm féin, no air deadh ainm ar coimhearsnaich.

79 C. Ciod i an deicheamh àithne ?

F. 'S i an deicheamh àithne, "Na sanntaich tigh do choimhearsnaich, na sanntaich bean do choimhearsnaich ; no 'òglach, no 'bhanòglach, no 'dhamh, no 'asal, no aon ni a's le do choimhearsnach."

80 C. Ciod e' tha an deicheamh àithne ag iarraidh ?

F. Tha an deicheamh àithne ag iarraidh oirnn bhi làn-thoilichte le ar staid féin, maille ri fonn ceart agus inntinn sheirceil a bhi annainn d'ar coimhearsnach, agus do gach ni a bhuineas da.

81 C. Ciod e' tha an deicheamh àithne a' toirmeasg ?

F. Tha an deicheamh àithne a' toirmeasg, gach uile thalach air ar staid féin ; farmad no doilghios air son maith ar coimhearsnaich ; agus gach togradh

agus miann ana-cneasda, chum aon ni a ta aige.

⁸² C. Am bheil neach sam bith comasach air àitheanta Dhé a choimhead gu foirfe ?

F. Chan 'eil neach nach 'eil ach 'n a dhuine mhàin, o thuiteam ar ceud sinnseara, comasach air àitheanta Dhé a choimhead gu foirfe 's a bheatha so, ach a ta iad 'g am briseadh, gach là, ann an smuain, focal, agus gnìomh.

⁸³ C. Am bheil gach uile bhriseadh an lagha coimeas ann an uamharachd ?

F. Tha cuid do pheacannaibh annta féin, agus o thaobh iomadh gnè antromachaidh, ni's uamhara na chéile 'am fianuis Dhé.

⁸⁴ C. Ciod e' tha gach aon pheacadh a' toiltinn ?

F. Tha gach aon pheacadh a' toiltinn feirge agus mallachd Dhé, araon anns a bheatha so, agus anns a bheatha a ta ri teachd.

⁸⁵ C. Ciod e tha Dia ag iarraidh uainne, chum as gu feud sinn dol as o fheirg agus o mhallachdsan a thoill sinn a thaobh ar peacaidh ?

F. Chum dol as o fheirg agus o mhallachd Dhé a thoill sin a thaobh ar peacaidh, tha Dia ag iarraidh uainne creidimh ann an Iosa Criosd, aithreachas chum beatha, maille ri gnàthachadh dìchiollach a dheanamh do uile mheadhonaibh an leth muigh leis am bheil Criosd a' compairteachadh ruinne sochairean na saorsa.

⁸⁶ C. Ciod e creidimh ann an Iosa Criosd ?

F. Creidimh ann an Iosa Criosd, is gràs slàinteil e, leis am bheil sinn a' gabhail ris, agus 'g ar socrachadh féin air-san 'n a aonar air son slàinte, mar a ta e air a thairgse dhuinn anns an t-soisgeul.

⁸⁷ C. Ciod e aithreachas chum beatha ?

F. Aithreachas chum beatha, is gràs slàinteil e, leis am bheil am peacach, (o mhothachadh ceart d'a

pheacadh féin, agus o bheachd do thròcair Dhé ann an Crìosd,) le doilghios agus le fuath d'a pheacadh, a' tionndaidh uaith gu Dia, le làn-rùn agus dìchioll air umhlachd nuadh a thoirt dha.

⁸⁸ C. Ciod iad na meadhona o'n leth muigh leis am bheil Crìosd a' compairteachadh ruinn shochair-ean na saorsa ?

F. 'S iad an meadhona o'n leth muigh leis am bheil Crìosd a' compairteachadh ruinn shochair-ean na saorsa, 'òrduighean féin ; gu h-àraidh am focal, na sàcramainte, agus urnuigh ; a ta uile air an deanamh éifeachdach chum slàinte do na daoineibh taghta.

⁸⁹ C. Cia mar a tha am focal air a dheanamh éifeachdach chum slàinte ?

F. Tha Spiorad Dé a' deanamh leughaidh, ach gu h-àraidh searmonachaidh an fhocail, 'n a mheadhon éifeachdach, chum peacaich a thoirt gu mothachadh, agus iompachadh, agus chum an togail suas ann an naomhachd, agus ann an comhfhurtachd, tre chreidimh, chum slàinte.

⁹⁰ C. Cia mar is còir am focal a leughadh agus' éisdeachd, chum's gum bi e èifeachdach chum slàinte ?

F. Chum 's gum bi am focal èifeachdach chum slàinte, feumaidh sinn aire a thoirt da le dùrachd, ulluchadh, agus urnuigh ; a ghabhail thugainn le creidimh agus gràdh, a thasgaidh 'n ar cridheachaibh, agus a chur an gnìomh 'n ar caithe-beatha.

⁹¹ C. Cia mar a tha na sàcramainte air an deanamh 'n am meadhonaibh éifeachdach chum slàinte ?

F. Tha na sàcramainte air an deanamh 'n am meadhonaibh éifeachdach chum slàinte, cha'n ann o bhrìgh sam bith annta féin, no 's an ti a fhritheileas iad, ach tre bheannachadh Chrìosd a mhàin, agus oibreachadh a Spioraid anntasan, a ghabhas iad le creidimh.

⁹² C. Ciod e sàcramaint ?

F. Is e sàcramaint òrdugh naomh le Criosd, anns am bheil Criosd agus sochairean a chumhnaint nuaidh air an taisbeanadh, air an seulachadh, agus air an cur ris na creidmhich le comharaibh so-fhaicsinneach.

⁹³ C. Ciod iad sàcramainte an Tiomnaidh Nuaidh ?

F. 'S iad sàcramainte an Tiomnaidh Nuaidh, am Baisteadh agus Suipeir an Tighearn.

⁹⁴ C. Ciod e 'baisteadh ?

F. Is e baisteadh sàcramaint, anns am bheil ionnlad le uisge, ann an ainm an Athar, a Mhic, agus an Spioraid Naoimh, a' ciallachadh agus a' seulachadh, gu bheil sinn air ar suidheachadh ann an Criosd, agus 'n ar luchd-compairt do shochairibh cùmhnant nan gràs, agus a' daingneachadh fòs ar bòid gur leis an Tighearn sinn.

⁹⁵ C. Co d' an còir am baisteadh a fhrithealadh ?

F. Cha chòir am baisteadh a fhrithealadh do dhream sam bith a ta an taobh a muigh do'n eaglais fhaicsinneach, gus an aidich iad an creidimh ann an Criosd, agus an ùmhlachd dha ; ach is còir naoidheana na muinntir a tha 'n am buill do'n eaglais fhaicsinneach a bhaisteadh.

⁹⁶ C. Ciod i suipeir an Tighearn ?

F. Suipeir an Tighearna is sàcramaint i, anns am bheil bàs Chrìosd air fhoillseachadh le aran agus fion a thabhairt agus a ghabhail a réir 'òrduigh féin, agus iadsan a ghabhas so gu h-ìomchuidh, tha iad, (cha'n ann air mhodh corpora agus fheòlmhor, ach tre chreidimh,) air an deanamh 'n an luchd-compairt d'a chorp agus d'a fhuil-san, le' uile shochairibh, chum am beathachaidh spioradail, agus am fàs ann an gràs.

⁹⁷ C. Ciod a tha feumail a chum suipeir an Tighearn a ghabhail gu h-ìomchuidh ?

F. Is feumail doibh-san le am b'àill suipeir an Tighearn a ghabhail gu h-ìomchuidh, iad féin a cheasnachadh a thaobh an eòlais chum corpan Tighearn aithneachadh ; a thaobh an creidimh chum beathachadh air-san ; a thaobh an aithreachais, an gràidh, agus an nuadh-ùmhachd ; air eagal air teachd dhoibh gu neo-ìomchuidh, gun ith agus gun òl iad breitheanas dhoibh féin.

⁹⁸ C. Ciod e urnuigh ?

F. Is e urnuigh, bhì 'cur suas ar n-athchuinge ri Dia, ag iarraidh nithe a réir a thoile, ann an ainm Chrìosd, ag aideachadh ar peacanna, agus a' toirt buidheachais dha air son a thròcairean.

⁹⁹ C. Ciod an riaghailt a thug Dia dhuinn gu ar seòladh ann an urnuigh a dheanamh ?

F. Tha focal Dé uile feumail gu ar seòladh ann an urnuigh a dheanamh ; ach 's i an riaghailt àraidh gu ar seòladh, an urnuigh sin a theagaisg Chrìosd d'a dheisciobluibh, d'an goirear gu coitchionn " Urnuigh an Tighearna."

¹⁰⁰ C. Ciod e' tha roimh-ràdh urnuigh an Tighearna a' teagasg dhuinn ?

F. Tha roimh-ràdh urnuigh an Tighearna, (eadhon, Ar h-Athair a ta air neamh,) a' teagasg dhuinn teachd am fagus do Dhia leis gach uile urram agus mhuinghin, mar chloinn chum an Athar, a tha comasach agus deònach air ar cuideachadh ; agus gur còir dhuinn urnuigh a dheanamh maille ri daoineibh eile, agus air an son.

¹⁰¹ C. Ciod e' tha sinn a' guidheadh 's a cheud iarrtus ?

F. 'S a cheud iarrtus, (eadhon, Gu naomhaichear d'ainm,) tha sinn a' guidheadh gu ma toil le Dia sinne agus muinntir eile a dheanamh comasach air e féin a ghlòrachadh, anns gach aon ni leis am bheil

e g' a fhoillseachadh féin, agus gun òrduicheadh e na h-uile nithe chum a ghlòire féin.

102 C. Ciod e' tha sinn a' guidheadh san dara iarrtus?

F. 'S an dara iarrtus, (eadhon, Gu tigeadh do rìoghachd,) tha sinn a' guidheadh gu'm biodh rìoghachd Shatain air a sgrios, agus rìoghachd nan gràs air a meudachadh ; gum biodh sinn féin agus muinntir eile air ar toirt d'a h-ionnsuidh, agus air ar coimhead innte; agus gum biodh rìoghachd na glòire air a luathachadh.

103 C. Ciod e' tha sinn a' guidheadh san treas iarrtus?

F. 'S an treas iarrtus, (eadhon, Gun deanar do thoil air thalamh, mar a nithear air neamh,) tha sinn a' guidheadh gun deanadh Dia sinne comasach agus deònach le a ghràs, chum eòlas a ghabhail air a thoil, agus a bhi umhal agus 'strìochdadh dhi anns gach aon ni, mar a ta na h-aingil air nèamh.

104 C. Ciod e' tha sinn a' guidheadh 's a cheathramh iarrtus ?

F. 'S a cheathramh iarrtus, (eadhon, Tabhair dhuinn an diugh ar n-aran lathail,) tha sinn a' guidheadh gum faigheamaid do shaor thoirbheartas Dhé, cuibhrionn chuimseach do nithibh maithe na beatha so, agus gum mealamaid a bheannachd-san leo.

105 C. Ciod e' tha sinn a' guidheadh 's a chùigeamh iarrtus ?


F. 'S a chùigeamh iarrtus, (eadhon, Agus maith dhuinn ar fiachan mar a mhaitheamaid d'ar luchd-fiach,) tha sinn a' guidheadh gu maitheadh Dia dhuinn gu saor air sgàth Chrìosd, ar n-uile pheacanna ; agus is mò ar misneach gu so 'iarruidh, gu bheil sinn air ar neartachadh le a ghràs sa gu maitheanas a thoirt o ar cridhe do dhaoinibh eile.


106 C. Ciod e' tha sinn a' guidheadh san t-séathamh iarrtus ?

F. 'S an t-sèathamh iarrtus, (eadhon, Agus na leig sinn 'am buaireadh, ach saor sinn o ole,) tha sinn a' guidheadh aon chuid, gun gleidheadh Dia sinn o bhi air ar buaireadh chum peacaidh, no gun cumadh e suas agus gun saoradh e sinn, an uair a bhuairear sinn.

¹⁰⁷ C. Ciod e' tha co-dhùnadh Urnuigh an Tighearna a' teagasg dhuinn?

F. Tha co-dhùnadh Urnuigh an Tighearna, (eadhon, Oir is leatsa an rioghachd, agus an cumhachd, agus a ghloir, gu sìorruidh, Amen,) a' teagasg dhuinn, ar misneach ann an urnuigh a ghabhail o Dhia a mhàin; agus ann ar n-urnuigh esan a mholadh, le rioghachd, cumhachd, agus glòir a thabhairt da. Agus mar theistear air ar dùrachd, agus ar dòchas éisdeachd fhaghail, tha sinn ag ràdh, Amen.





1861

1862

1863

1864

1865

1866